



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Innocentio XI. Ad Innocentium XII.

**Luxemburgi, MDCCXLI.**

9. Circumspecta Romani &c. Constitutio revocatoria exemptionum a  
vectigalibus, aliisque publicis oneribus.
- 

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)



VIII.

Indulgentia plenaria perpetua pro visitantibus Ecclesias Fratrum Ordinis S. Joannis Dei, tam erectas, quam erigendas ubicumque locorum, die octava Martii Feste ejusdem S. Joannis Dei.

## INNOCENTIUS PAPA XII.

*Ad perpetuam rei memoriam.*

**C**oelestium munerum thesauros, quorum Dispensatores Nos esse voluit Altissimus, cum ad Christianae pietatis incrementum, & animarum Christianidelium salutem profuturos speramus, libenter largimur. Itaque de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christianidelibus verè poenitentibus, & confessis, ac Sacra Communione refectis, qui aliquam ex Ecclesiis quorumcumque Conventum, & Domorum Regularium Ordinis Fratrum S. Joannis Dei hactenus erectis, & in posterum quandoque erigendis, & ubicumque locorum existentibus die 8. Martii Feste ejusdem S. Joannis Dei, à primis Vesperis usque ad occasum Solis Festi hujusmodi singulis annis devotè visitaverint, & ibi pro Christianorum Principum concordia, haeresium extirpatione, ac Sanctae Matris Ecclesiae exaltatione pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Praesentibus perpetuis futuris temporibus valituris. Volumus autem, ut ipsarum praesentium Litterarum transumptis, seu exemplis, etiam impressis, manu alicujus Notarii publici subscriptis, & sigillo Personae in Ecclesiastica dignitate constitutae munitis, eadem prorsus fides habeatur, quae haberetur ipsis praesentibus, si forent exhibitae, vel ostensae. Datum Romae apud S. Mariam Majorem, sub Annulo Piscatoris die xxvij. Augusti MDCXCI. Pontificatus Nostri Anno Primo.

D. 28. Augusti P. Ap. primo.

IX.

Constitutio revocatoria exemptionum à vestigialibus, aliisque publicis oneribus.

## INNOCENTIUS PAPA XII.

*Ad perpetuam rei memoriam.*

**C**ircumspecta Romani Pontificis omnium Christianidelium Patris, & Pastoris providentia, sicuti Spiritualibus Dominici Gregis, sibi divinitus commissi, utilitatibus jugi vigilantia consulere studet, ita & temporalibus suorum, & Apostolicae Sedis etiam quoad temporalia Subditorum commodis paterno studio providere satagit, prout aequitatis, & justitiae ratio suadet, Reique publicae salus exposcere comperitur.

§. 1. Cum itaque (sicut Nobis innotuit) per quasdam immunitates, & exemptiones à vestigialibus, aliorumque onerum publicorum solutione, & supportatione, quae à nonnullis Romanis Pontificibus Praedecessoribus Nostri, & Sede praefata, illiusque forsitan de Latere Legatis, ac aliis ejusdem Sedis, & Camerae Nostrae Apostolicae Officialibus, & Ministris, ad importunas supplicantium preces, seu alias quomodolibet concessae reperiuntur, Camera praedicta & Communitates, & Universitates Civitatum, Oppidorum, Terrarum, & locorum temporalis Sanctae Romanae Ecclesiae ditionis in gravissimis, quibus propter tot sumptus, antehac in causam publicam factos, multaque onera propterea imposita, premuntur angustiis, maximam redituum, & proventuum suorum diminutionem patiantur, & plurimi Subditi Nostri, ac praecipue

Exemptiones, & immunitates aliquorum reaggravant exemptos.

pauperiores, in quos ejus quod caeteris, iisque ut plurimum locupletioribus, per immunitates, & exemptiones hujusmodi remittitur, onus derivari necesse est, ingenti damno afficiantur.

§. 2. Nos, Camerae, ac Communitatum, & Universitatum, Subditorumque Nostrorum praedictorum indemnitati, & levamento, quantum cum Domino possumus aequè principaliter consulere cupientes, ac felic. record. Sixti V. Pauli etiam V. Urbani VIII. Innocentii X. Alexandri VII. Clementis IX. Clementis X. Innocentii XI. & Alexandri VIII. aliorumque Romanorum Pontificum Praedecessorum Nostrorum, qui Constitutiones similium exemptionum, & immunitatum revocatorias ediderunt, vestigiis inhaerentes, nec non quarumcumque concessionum, immunitatum, & exemptionum hujusmodi, Litterarumque Apostolicarum sub plumbo, ac in simili forma Brevis, cedularum Motus proprii, & Chirographorum cujusvis Romani Pontificis Praedecessoris Nostri manu subscriptorum, ac aliarum Litterarum, & scripturarum desuper quomodolibet emanatarum, pluriesque etiam confirmatarum, tenores, etiam veriores, & datas, ac occasiones, & alia etiam speciali, ac individua expressione digna praesentibus pro plenè, & sufficienter expressis, & verbatim insertis respectivè habentes; Motu proprio, non ad cujusquam Nobis super hoc oblatae petitionis instantiam, sed ex certa scientia, & matura deliberatione Nostri, deque Apostolicae potestatis plenitudine, hac Nostra perpetuò valitura Constitutione omnes, & quascumque exemptiones, & immunitates à solutione subsidii triennalis, nec non quarti illi adjuncti, taxarum equorum, talliarum, censuum archivii, fogliettae, tiremii, utensilium, dohanarum, gabellarum quarumcumque, taxae portus Anconae, quatrinarum, tractarum, pedagiorum, vestigialium, collectarum, & quorumlibet aliorum onerum, & numerum personalium, realium, & mixtorum ordinariorum, & extraordinariorum, solitorum, & insolitorum Cameralium quorumcumque, etiam eorum, quae per Communitates, & Universitates directè, pro eorundem onerum Cameralium solutione, publicorumque munerum supportatione, ac pro viis, & pontibus construendis, instaurandis, muniendis, & manutenendis, aliisque indigentis, & usibus quibuscumque, tam Camerae, quam Communitatum, & Universitatum praedictarum, seu alias indicta, & imposita, ac exigi solita sunt, nec non ab obligatione recipiendi, & hospitandi milites, & Sedis praedictae Officiales, Barigellos, Executores, aliosque Justitiae Ministros, eisque utensilia, & alia necessaria subministrandi, per Romanos Pontifices Praedecessores Nostros, ac eandem Sedem Apostolicam, & quosvis Sedis, & Camerae praedictarum Officiales, & Ministros quacumque auctoritate, & potestate fungentes, etiam S. R. E. Cardinales, etiam de Latere Legatos, etiam Camerarios, caeterosque etiam speciales nota, & expressione dignos, ac specialem ad id facultatem habentes, quibusvis Communitatibus, Universitatibus, Civitatibus, Terris, Oppidis, & locis Ditionis temporalis S. R. E. praedictae, ac etiam quibuscumque Feudatariis, Censuariis, Dominis locorum, Familiis nobilibus, Baronibus, Comitibus, Marchionibus, Ducibus, Principibus, & aliis cujusvis status, gradus, conditionis, praerogativae existentibus, ac quavis dignitate, etiam Ecclesiastica, & auctoritate praedictis, etiam Cardinalatus honore fulgentibus, qui Castra, & Jurisdictiones intra limites dictae Ditionis temporalis S. R. E. possident, etiam qui nihil ratione Castrorum, Jurisdictionum hujusmodi Sedi praedictae annuatim, seu alias persolvunt, & tam Incolis, quam extraneis, & Forensibus bona stabilia, seu mobilia, vel se moventia habentibus, & tenentibus, seu possidentibus, omniumque supradictorum Colonis, & laboratoribus, etiam in recompensam laborum, damnorum passorum, ac ex alia quacumque, quantumvis favorabili, ac urgentissima, & de necessita-

Ideo exemplo Praedecessorum revocat exemptiones

Species rerum à quibus cessant exemptiones.

Quibus aufertur exemptio.

te spe-



Etiā ex-  
emptis ra-  
tione ap-  
paltum  
Camera-  
lium.

Verba re-  
vocatoria.

Pro tem-  
pore futu-  
ro.

Ecclesiasti-  
corum pri-  
vilegia re-  
ducuntur  
ad limites  
juris.

Concessa  
Collegiis  
Urbis re-  
stringun-  
tur ad vi-  
ctum, &  
vestitum.

Abolentur  
concessa  
Nepotibus  
& conjun-  
ctis. Ponti-  
ficum, &  
effectus re-  
trotrahi-  
tur ad diē  
sue assump-  
tionis.

Præservan-  
tur exemp-  
tiones cer-  
tis perso-  
nis de iure  
competen-  
tes, vel ex  
contractu  
oneroso  
cum Ca-  
mera.

Præservā-  
tur exemp-  
tiones co-  
cessæ a  
Communi-  
tatis ex  
contractu  
oneroso, &  
causis de-  
clarandis.

te specialiter exprimendā causā, sub quibuscumque verborum formis, & expressionibus, etiam si in Appaltum, & locationum Cameralium instrumentis, quantumvis auctoritate Apostolica confirmatis, promissum, & cautum sit eas observari debere, ac cum quibusvis clausulis, & Decretis, etiam motu, scientia, deliberatione, & potestatis plenitudine paribus, etiam consistorialiter, & aliis quomodocumque, & qualitercumque in genere, vel in specie, ad vitam, vel ad tempus, sive in perpetuum concessas, & datas, ac pluries, & iteratis vicibus confirmatas, & approbatas, revalidatas, & innovatas, & inde etiam iudicis auctoritate sequutā, quæcumque, nec non quasvis Litteras etiam Apostolicas sub plumbo, vel in simili formā Brevis, Motus proprii Cedula, chirographa, & scripturas huiusmodi ex nunc perpetuū revocamus, cassamus, tollimus, abrogamus, irritamus, abolemus, viribusque, & effectu penitus, & omnino evacuamus, & revocata, cassata, sublata, & abrogata, irrita, abolita, annullata, viribusque, & effectu penitus, ac omnino vacua esse, nec ulli prorsus in petitorio, aut possessorio, etiam summarissimo, contra præsentium Litterarum tenorem, & dispositionem suffragari posse, sed prædictos omnes, & singulos exemptos ad omnium, & singulorum onerum prædictorum solutionem, & supportationem pro ratā eos tangente in posterum realiter, & cum effectu teneri in omnibus, & per omnia, perinde ac si dictæ exemptiones, & immunitates eis nullatenus concessæ fuissent, nec Litteræ, ac cedulæ motus proprii, chirographa, & scripturæ huiusmodi unquam emanassent, motu, scientia, deliberatione, & potestatis plenitudine prædictis decernimus, statuimus, & declaramus.

§. 3. Præterea omnia, & quæcumque privilegia, & indulta personis Ecclesiasticis tam secularibus, quam cuiusvis Ordinis, Congregationis, & Instituti, ac Societatis, etiam Jesu, Regularibus super similibus immunitatibus, & exemptionibus per quoscumque Romanos Pontifices Prædecessores Nostros concessa, ad limites Juris communis motu, scientia, deliberatione, & potestatis plenitudine, & tenore prædictis reducimus.

§. 4. Illa verò quæ nonnullis Collegiis in alimā Urbe Nostrā existentibus per Dilectos Filios Clericos Regulares dictæ Societatis Jesu, sive alios quoscumque administrari consuevit, similiter à Romanis Pontificibus Prædecessoribus Nostri concessa fuerunt, quoad victum, & vestitum dumtaxat, non autem, ut vulgo dicitur à fundaco, & magazzino, prout antehac observatum fuit, suffragari volumus, & decernimus.

§. 5. Ac demum similia privilegia, & indulta Nepotibus, & aliis Consanguineis, vel Affinibus quoruscumque Romanorum Pontificum Prædecessorum Nostrorum pro tempore viventium ab illis respectivè concessa itidem revocata, & abolita esse, ac censi debere volumus, & statuimus; Declarantes illa nemini eorundem Nepotum, sive Consanguineorum, vel Affinium à die Nostræ ad summi Apostolatus apicem assumptionis suffragari posse, & debere, seu potuisse, ac debuisse.

§. 6. Per præmissa autem non intendimus revocare exemptiones, & immunitates quibuscumque personis Ecclesiasticis tam secularibus, quam Regularibus de iure competentes, neque Thesaurariis, Appaltatoribus, & Conductoribus bonorum, introituum, & iurium dictæ Camere Nostræ ab ipsa Camera, vel aliis illius nomine in appaltum, & locationum instrumentis, & illorum ratione ex contractu, tituloque verè oneroso concessas.

§. 7. Ac insuper à revocationibus, & aliis supradictis excipimus, & exceptas esse volumus, & declaramus immunitates, & exemptiones quibusvis Universitatibus, & personis datas, & concessas in vim contractus ex causa verè onerosæ, videlicet congruæ, & effectualis pecuniarum solutionis, & non alias eidem Camere Apostolicæ, vel ex aliis

rationabilibus causis per Nos cognoscendis, & approbandis ut infra, ac etiam declarandis: quas omnes causas onerosas nonnisi legitimas, ac licitas, & honestas, prout de iure approbare intendimus.

§. 8. Et propterea quicumque illas obtinent, eas in dictā Camera citato Dilecto Filio ipsius Camere Commissario Generali verificare, & in ipsa Camera examinari, & admitti facere teneantur, etiam si concessionem earundem immunitatum, & exemptionum, ac Litterarum, cedulæ, motus proprii, chirographa, & aliæ scripturæ desuper emanatæ, & emanata aliis in Camera prædicta admittæ, & admittæ, ac in illa, ejusque libris registratæ, & registratæ fuerint, & sint; quatenus tamen causæ onerosæ huiusmodi pro verè onerosis, & legitimis ut supra alias in eadem Camera verificatæ, & approbatæ, ac prævia judiciali discussione non sint legitimæ habitæ: quo casu ad indicationem tantum, non autem ad aliam verificationem eosdem obtinentes teneri volumus, interim verò quamdiu non fuerint verificatæ, minimè suffragari, & præsentis revocationis effectum retardare non posse declaramus.

§. 9. Præterea Nostræ intentionis non est sub revocationibus, & aliis supradictis comprehendere immunitates, & exemptiones eidem S. R. E. Cardinalibus ratione Dignitatis Cardinalatus, nec non Camere prædictæ Clericis Præsidentibus, aliisque Cameralibus, qui in eadem Camera federunt, & sedent, concedi, seu admitti solitas; nec illas, quibus Prælati, & Officiales Romanæ Curie, ac Prælati domestici, Cubicularii secreti, ac Secretarii, & alii Familiæ, & continui Commensales Nostri & Romani Pontificis pro tempore viventis, in rotulo descripti gaudent, & gaudere consueverunt, neque illas ob numerum duodecim filiorum à Prædecessoribus Nostri, & aliis supra expressis concessas, quas tamen ad terminos Constitutionis rec. mem. Pii PP. IV. Prædecessoris pariter Nostri, quæ incipit: *Licet fel. rec. Paulus &c.* cujus tenorem præsentibus pro plenè, & sufficienter expresso, ac de verbo ad verbum inserto haberi, illamque exactè, & ad amissum juxta illius seriem, tenorem, & dispositionem in omnibus, & per omnia servari debere volumus, & aliarum Constitutionum Apostolicarum super similibus exemptionum declaratione editarum, & ad illas tantum, & pro tempore, & personis, ac eo modo, & formā, quibus de iure communi illis competunt, & alias juxta ipsius Juris communis, ac supradictarum, & aliarum Constitutionum Apostolicarum dispositionem reducimus; neque aliter quàm, ut præfertur, sive in possessorio, sive in petitorio suffragari volumus, & decernimus.

§. 10. Cæterum Appaltatoribus, Thesaurariis, Depositariis, Commissariis, Executoribus, & cæteris Agentibus, & Ministris dictæ Camere, ac Communitatum, & Universitatum prædictarum earundem serie præsentium districtius inhibemus, ne contra ipsarum præsentium dispositionem, immunitates, & exemptiones, nisi ut supra exceptas, ac eas, quas ex causa verè onerosa concessas in Camera prædicta, ut præfertur, admitti contigerit, ullatenus admittant: & si si fecerint, id nemini eorum in suis computis, seu rationibus per eandem Camera admitti volumus, sed eorum damno cessurum esse declaramus.

§. 11. Postremò lites quaslibet occasione privilegiorum, ac indultorum, nec non immunitatum, & exemptionum huiusmodi quomodolibet suscitatas, & in quibusvis Tribunalibus pendentes (illarum omnium, & singularum statum, & merita, nominaque, & cognomina Judicum, & collitigantium quorumvis, etiam speciali mentione dignorum, & alia etiam de necessitate specialiter exprimenda, præsentibus pro plenè, & sufficienter expressis habentes) à quibuscumque Tribunalibus huiusmodi ad Nos earundem serie præsentium avocamus, illasque penitus, & omnino perpetuò

Forma re-  
portandi  
declarato-  
riam ex-  
emptionis  
præserva-  
ta.

Excipiun-  
tur Cardi-  
nales, Cle-  
rici Came-  
ræ, & alii.

Injungitur  
Ministris  
observan-  
tia.

Lites super  
præmissis  
extinguun-  
tur.

suppri-



Decretum  
super ob-  
statis.

supprimimus, & extinguimus, & pro suppressis haberi volumus, & declaramus, ac partibus perpetuum desuper silentium imponimus.

§. 12. Decernentes presentes Litteras, ac omnia, & singula in illis contenta, etiam ex eo quod quicumque in praemissis, sive eorum aliquo interesse habentes, seu habere quomodolibet praetendentes illis non consenserint, ac ad ea vocati, & auditi, seu causae, propter quas ipsae praesentes emanarunt adductae, verificate, seu alias sufficienter, aut etiam ullatenus iustificatae non fuerint, aut ex alia quavis, quantumlibet legitima, pia, iudiciali, & privilegiata causa, colore, praetextu, occasione, & capite, etiam in corpore Juris clauso, etiam enormis, enormissimae, & totalis laesionis, nullo unquam tempore de subreptionis, vel obreptionis, nullitatis, aut invaliditatis vicio, seu intentionis Nostrae, vel quorumvis interesse habentium consensu, aut alio quovis, quantumvis magno, & substantiali, ac inexcogitato defectu notari, impugnari, invalidari, restringi, retractari, in jus, vel controversiam revocari, suspendi, limitari, aut ad terminos juris reduci, seu adversus illas aperiitionis oris, restitutionis in integrum, aut aliud quodcumque juris, facti, vel gratiae remedium impetrari, aut impetrato, seu etiam motu simili concessio quempiam in iudicio, vel extra illud uti, seu se juvare posse, neque easdem praesentes sub quibuscumque similibus, vel dissimilibus Constitutionibus, ac revocationibus, & ordinationum revocationibus, suspensionibus, limitationibus, & aliis contrariis dispositionibus pro tempore quomodolibet factis comprehendi aut comprehensas censi, sed semper ab illis exceptas, & quoties illae emanabunt, toties in pristinum, & validissimum statum restitutas, repositas, & plenarie reintegratas, ac etiam sub posteriori data, quatenus opus sit, de novo concessas, perpetuaeque validas, firmas & efficaces existere, & fore, suosque plenarios, & integros effectus fortiri, ac obtinere, ac ab omnibus, ad quos spectat, & quandocumque spectabit, inviolabiliter observari.

Decretum  
irritans &  
clausula  
sublata.

§. 13. Sicque in praemissis per quoscumque Iudices, & Commissarios; etiam Causarum Palatii Apostolici Auditores, ac ejusdem S.R.E. Cardinales, etiam de Latere Legatos, & quosvis Sedis, & Camerae praedictarum Officiales, & Ministros, & alios quoscumque quavis auctoritate, & potestate fungentes nunc, & pro tempore existentes; sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, & inane si secus super his a quoquam quavis auctoritate scienter, vel ignoranter contigerit attentari.

Executo-  
rum depu-  
tatio.

§. 14. Quocirca Dilectis Filiis Nostro, ac S.R.E. praedictae Camerario, seu Procamerario, nec non Vicecamerario, Thesaurario, ac Clericis Praesidentibus, Commissario, & aliis Camerae praedictae Officialibus, ad quos spectat, praecipimus, & mandamus, ut praesentem Nostram Constitutionem, & in ea contenta quaecumque in omnibus, & singulis firmiter, & inviolabiliter observent, & faciant ab aliis observari.

Clausula  
derogato-  
riz.

§. 15. Non obstantibus supradictarum litium pendentia, aliisque omnibus, & singulis praemissis, nec non Nostra, & Cancellariae Apostolicae Regula de jure quaesito non tollendo, ac quatenus opus sit, praedicti Pii Praedecessoris de gratiis quaecumque interesse dictae Camerae concernentibus in eadem Camera praesentandis, ita ut praesentes in ea praesentari, aut registrari nunquam necesse sit, aliisque Apostolicis, ac in Universalibus, Provincialibusque Conciliis editis generalibus, vel specialibus Constitutionibus, & ordinationibus, nec non quibuscumque, etiam juramento, confirmatione Apostolica, vel quavis firmitate alia roboratis Statutis, & consuetudinibus, etiam immemorabili-

bus, privilegiis quoque, indultis, concessionibus, immunitatibus, exemptionibus, chirographis, cedula motuum propriorum, & aliis scripturis, & Litteris, etiam Apostolicis praedictis, & quibuscumque aliis, etiam, ut praefertur, qualificatis, ac speciali nota, & mentione dignis, etiam nominatim essent exprimiendi, sub quibuscumque verborum tenoribus, & formis, ac cum quibuscumque, etiam derogationum derogatoriis, aliisque efficacioribus, & insolitis clausulis, ac irritantibus, & aliis Decretis, etiam inexcogitabilibus, & necessario exprimiendis, etiam contractus jurati cum Camera Nostra Apostolicae initi, & Camerali obligatione vallati, & quovis alio robore, & cautela firmatis, editis, seu factis, ac aliis quomodolibet in contrarium praemissorum concessis, confirmatis, & pluries innovatis. Quibus omnibus, & singulis, etiam in eis caveatur expresse, quod nullo unquam tempore sub similibus, vel dissimilibus exemptionum, & immunitatum revocationibus, abrogationibus, annullationibus, aut aliis quibuscumque contrariis dispositionibus, & Constitutionibus pro tempore edendis comprehendantur, sed semper ab illis exceptas, & quoties illae emanabunt, toties in pristinum, eumque validissimum statum restituta, reposita, & reintegrata, ac etiam sub posteriori data per quascumque personas eligenda de novo concessa sint, & esse censeantur, nec non pro sufficienti eorum derogatione de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes, mentio, seu quaevis alia expressio faciendi, aut alia exquisita forma ad hoc servanda foret, illorum omnium, & singulorum tenores, formas, & occasiones praesentibus pro plenae, & sufficienter expressis, inferitis, ac servatis respectively habentes, illis aliis in suo robore permanens, ad praemissorum effectum specialiter, & expresse derogamus, ac derogatum esse volumus, ceterisque contrariis quibuscumque.

§. 16. Ut autem eadem praesentes Litterae ad omnium notitiam facilius deveniant, volumus, & auctoritate Apostolica decernimus, illas ad valvas Basilicae Principis Apostolorum, Cancellariae Apostolicae, ac in acie Campi Florae de Urbe per aliquem ex Cursoribus Nostris publicari, ac illarum exempla ibidem affixa relinqui, quae sic publicatae omnes, & singulos quos concernunt, perinde afficiant, ac si illorum unicuique personaliter notificatae, & intimatae fuissent.

§. 17. Utque earundem praesentium transumptis, seu exemplis, etiam impressis, manu Notarii publici subscriptis, & sigillo alicujus personae in Ecclesiastica Dignitate constituta munitis eadem fides in iudicio, & extra illud adhibeatur, quae praesentibus adhiberetur, si forent exhibitae, vel ostensae. Datae Romae apud Sanctam Mariam Majorem sub Annulo Piscatoris die 5. Novembris 1691. Pontificatus Nostri anno primo.

J. F. Cardinalis Albanus.

Anno à Nativitate D. N. Jesu Christi millesimo sexcentesimo nonagesimo primo, Indictione decima quinta, die vero quinta Novembris, Pontificatus autem Sanctissimi in Christo Patris, & D. N. Innocentii Divina Providentia Papa XII. Anno ejus primo, supradictum Breve afixum, & publicatum fuit ad valvas Basilicae Principis Apostolorum, Cancellariae Apostolicae, & in acie Campi Florae, ac aliis locis solitis, & consuetis Urbis per me Hippolytum Pervertum Sanctiss. D. N. Papa Cursorem.

Pro D. Mag. Cursum Agapitus de Magistris Apost. Curs.

Publicari  
mandat. &Fidem  
transump-  
tis adhibe-  
ri.P. A. pri-  
mo 5. No-  
vembris.  
1691.

Publicatio